

Camymddwyn Rhywiol

10 Mehefin 2020

Cais am wybodaeth.

Diolch am eich cais a ddaeth i law ar 27 Ebrill, pan wnaethoch ofyn:

Cyfrif a datgeliad llawn o unrhyw gwynion a gyflwynwyd gan unrhyw berson o gwbl ynglŷn â chamymddwyn rhywiol gan y sefydliad neu unrhyw un o'i aelodau gwrywaidd neu wrywaidd drawsryweddol, tuag at unrhyw fenyw neu fenyw drawsryweddol rhwng 1/1/2010 a 1/1/2020.

Caiff y sefydliad, a dylai'r sefydliad, eithrio unrhyw gwynion a godwyd gan y sawl sy'n gwneud y cais, os oes rhai.

Gallwn gadarnhau bod gennym y wybodaeth y gofynnwyd amdani. Fodd bynnag, mae'n cynnwys data personol at ddibenion y Rheoliad Cyffredinol ar Ddiogelu Data (GDPR).

Byddai datgeliad llawn o natur y cwynion, yn ein barn ni, yn mynd yn groes i'r egwyddor gyntaf ar ddiogelu data fel y'i nodir yn Erthygl 5 o'r GDPR. Felly, mae'r wybodaeth wedi'i heithrio o'r gyfundrefn ddatgelu o dan adran 40(2) ac adran 40(3A)(a) o Ddeddf Rhyddid Gwybodaeth 2000 ("Deddf 2000"). Mae manylion pellach am y rhesymeg sydd y tu ôl i'r casgliad hwn yn yr atodiad i'r llythyr hwn.

Fodd bynnag, mewn ymdrech i ddarparu gwybodaeth i chi, yn ogystal â chydymffurfio â'n dyletswyddau o dan y GDPR, gallwn ddweud wrthy'ch fod nifer y cwynion a gafwyd ynghylch camymddwyn rhywiol yn llai na 5.

Yn gywir

Rheolwr Rhyddid Gwybodaeth
Senedd Cymru

Senedd Cymru
Bae Caerdydd
Cardiff CF99 1SN

Senedd Cymru
Cardiff Bay
Caerdydd, CF99 1SN
Ffôn/Tel: 0300 200 6224

E-bost/Email: Ceisiadau-gwybodaeth@senedd.cymru
Information-request@senedd.wales

Mae'ch cais wedi'i ystyried yn unol â'r egwyddorion a nodir yn y **Cod Ymarfer ar Ganiatáu i'r Cyhoedd Wedd Gwybodaeth**. Mae croeso ichi gysylltu â mi os oes gennych unrhyw gwestiynau am yr ymateb hwn. Os ydych yn teimlo bod gennych achos i gwyno, dilynwch y canllawiau isod.

[A oes gennych achos i bryderu neu i gwyno ynghylch yr ymateb a gawsoch i'ch cais?](#)

Os ydych yn anfodlon ar sut y mae'r Senedd wedi ymdrin â'ch cais, gallwch ofyn am adolygiad mewnol o fewn 40 diwrnod gwaith i ddyddiad yr ymateb hwn. Dylid cyfeirio ceisiadau am adolygiad mewnol at y Rheolwr Rhyddid Gwybodaeth drwy ddefnyddio'r cyfeiriad e-bost a ganlyn:

ceisiadau-gwybodaeth@senedd.cymru neu'n ysgrifenedig i

Senedd Cymru
Llywodraethu a Sicrwydd
Bae Caerdydd
Caerdydd
CF99 1SN

Os nad ydych yn fodlon ar ganlyniad yr adolygiad mewnol, mae'r hawl gennych i wneud cais uniongyrchol i'r Comisiynydd Gwybodaeth am benderfyniad. Gellir cysylltu â Swyddfa'r Comisiynydd Gwybodaeth yn:

Swyddfa'r Comisiynydd Gwybodaeth
Wycliffe House
Water Lane
Wilmslow
Cheshire
SK9 5AF

Atodiad

Mae'r wybodaeth a geisir yn dod o fewn y diffiniad o ddata personol sydd wedi'i gynnwys yn y GDPR, sef:

"any information relating to an identified or identifiable natural person ('data subject'); an identifiable natural person is one who can be identified, directly or indirectly, in particular by reference to an identifier such as a name, an identification number, location data, an online identifier or to one or more factors specific to the physical, psychological, genetic, mental, economic, cultural or social identity of that natural person".

Mae gwybodaeth bersonol wedi'i heithrio o'r gyfundrefn ddatgelu o dan adran 40(2) a 40(3A)(a) o Ddeddf Rhyddid Gwybodaeth 2000, mewn achosion lle byddai ei datgelu yn mynd yn groes i o leiaf un o'r egwyddorion diogelu data yn GDPR. Yr egwyddor sy'n berthnasol ar yr achlysur hwn yw'r egwyddor gyntaf o ran diogelu data.

Mae'r egwyddor diogelu data cyntaf fel y nodir yn Erthygl 5 o'r GDPR yn nodi:

"Personal data shall be processed lawfully, fairly and in a transparent manner in relation to the data subject ('lawfulness, fairness and transparency')".

Wrth benderfynu a fyddai datgelu'r wybodaeth hon yn deg, rydym wedi ystyried goblygiadau'r datgeliad, disgwyliadau rhesymol yr unigolion dan sylw, a'r cydbwysedd i'w daro rhwng hawliau'r unigolion ac unrhyw fudd dilys mewn perthynas â datgeliad. Ein casgliad yw y byddai'n annheg datgelu'r wybodaeth. Mae natur y wybodaeth na chafodd ei rhannu yn breifat ac nid oes disgwyl y byddai'r wybodaeth hon yn cael ei chyhoeddi. Gallai datgelu faint o gwynion a gafwyd ynglŷn â chamymddwyn rhywiol, pe bai'r ffigur hwnnw'n fach, arwain yn anfwriadol at sefyllfa lle gellid adnabod yr unigolion dan sylw. Nid oes disgwyl y byddai manylion pob cwyn, na manylion y rhai sy'n rhan ohoni, yn cael eu cyhoeddi.

Er gwaethaf ein barn ynghylch sicrhau tegwch, aethom ymlaen i ystyried Erthygl 6 o'r GDPR. Nid yw unrhyw un o'r amodau yn Erthygl 6 yn berthnasol, heblaw Erthygl 6(1)(f), sy'n caniatáu i wybodaeth bersonol gael ei phrosesu ar yr amod a ganlyn:

"Processing is necessary for the purposes of legitimate interests pursued by the controller or by the third party, except where such interests are overridden by the interests or fundamental rights and freedoms of the data subject which require protection of personal data, in particular where the data subject is a child."

Mae'r amod hwn yn cynnwys prawf mewn tair rhan:

- Rhaid bod datgelu'r wybodaeth o fudd cyhoeddus dilys;
- Rhaid i'r datgeliad fod yn angenrheidiol i sicrhau budd y cyhoedd; ac
- Ni ddylai'r datgeliad ddiystyru buddiannau, hawliau sylfaenol na rhyddid y pynciau data.

Rydym yn cydnabod bod budd dilys i'r cyhoedd mewn tryloywder yn gyffredinol, ac mewn gwybod bod polisi ar waith i amddiffyn unigolion sy'n dymuno cwyno am gamymddwyn rhywiol. Rydym hefyd yn cydnabod budd dilys i'r cyhoedd mewn deall nifer y cwynion o'r math hwn a wneir mewn unrhyw sefydliad. Fodd bynnag, rydym o'r farn bod y budd hwn yn cael ei fodloni trwy ddatgelu gwybodaeth gyffredinol nad yw'n cynnwys manylion personol. Nid ydym o'r farn bod angen rhyddhau manylion pob cwyn oherwydd, yn ein barn ni, nid yw'r budd dilys i'r cyhoedd mewn datgelu'r wybodaeth yn drech na buddiannau, hawliau sylfaenol a rhyddid gwrthrychau'r data.

O dan yr amgylchiadau hyn, nid yw'n angenrheidiol datgelu'r wybodaeth dan sylw i fodloni budd y cyhoedd.